

Isumaginninnermut Naalakkersuisoqarfik
Departementet for Sociale Anliggender

Ilisimatitsissut Notat

Uunga KIIN, att. Claus Kleemann
Til

Assinga uunga
Kopi til

UKA EM 2009 - 91 - notat til KIIN

22. oktober 2009
Sags nr.
2009-020734
Dok.nr. 247628

IN qinnuigineqarpoq Inatsisartut Ilaqutariinnermut ataatsimiititaliaata 16. oktober 2009 allagaani apeqqutinut 17, 20 aamma 21-mut IN-ip oqaaseqaatissai nassiuteqqullugit.

Postboks 260
3900 Nuuk
Tlf. (+299) 34 50 00
Fax (+299) 32 55 05
E-mail: in@gh.gl
www.nanoq.gl

17) Innuttaasunik pisariaqartitsineq malillugu ikiorserneqartartunik naliliinnermini pineqartut inatsisissatut siunnersuut atorunnaarsinniarneqartoq malilugu tapiissutinik pisartagaqarnersut ilanngullugu kommunit naliliisarnersut Naalakkersuisumut ilaasortamit ilisimaneqarpa.

Appeqqummut 17-imut:

Pisortanit ikiorsiissutit pillugit inatsisartut peqqussutaat, 1. april 2007 atuutilersoq malillugu "pissaaleqisunut ikiorsiissutit" inatsisiliornermi ilaangillat. "Pissaaleqisunut ikiorsiissutit" pisortanit ikiorsiissutit pillugit inatsisiliornermi siornatigut ilaanikuupput.

Inatsisartut pisortanit ikiorsiissutit pillugit peqqussut atuuttoq aallaavigalugu tassangaannartumik pisariaqartitsisoqalersillugu ikiorsiissuqarsinnaavoq imaluunniit pilersuinnermut pisortaniit ikiorsiisoqarsinnaavoq aamma akiligassanut aalajangersimasunut kiisalu ataasiaannartumik aningaasartuutinut, tassangaannartumik ikiorserneqarnissamut malittarisassani piumasarineqartut malillugit qinnuteqartoq pissarsisinnaappat.

Pilersuinnermut akiligassanullu aalajangersimasunut pisortaniit ikiorsiissutit ikiorneqartussap ikiorneqarnissamik qinnuteqanginnermini atugarisai, pilersugassai, nuliaasup uisulluunniit imaluunniit pisortanut nalunaarutigineqarsimasumik aappaqarpat nularisatut uigisatulluunniit isigineqartup isertittagai, akiligassat aalajangersimasut sumiiffimmilu pissutsit, aallaavigalugit misingersuusiorlugit tunniunneqassapput. Tassa imaappoq pisortanit ikiorsiissutinut ilanngunneqassangillat meeqqat atuarfianni klassini annerninni atuartunut tapiissutit.

Kommunini inatsisit tunngavigalugit misissuinerni takuneqarsinnaangilaq, kommuninit pisortanit ikiorsiissutinik nalilersuinnermi meeqqat atuarfianni klassini annerni atuartunut tapiissutit ilanngunneqartarsimasinnaanersut.

20) Siunnersuut matumani pineqartoq inuiaqatigiinni inuuniarnikkut atugarisat naligiinnginnerulernissaannut peqataassangitsoq uppersarneqarsinnaava?

Apeqqummut 20-imut:

Tamatumunnga oqaaseqaatissaqartoqanngilaq.

21) Nunatsinni isumaginninnermi inatsisit aqutugalugit kommunini isumaginninnikkut isumannaatsuunissaq atuutsinneqartoq, taamaalillunilu inatsisissatut siunnersuut akuerineqassagalarpat ilaqutariit pissakinnerpaat inuuniarnermikkut atugaat nammanneqarsinnaanngitsumik ajorseriaqqunagit ilaqutariit inuuniarnermikkut ataatsimut atugaannik naliliinissamut kommunit pisussaaffeqartut uppersarneqarsinnaava?

Apeqqummut 21-imut:

Isumaginninnermut malittarisassat inuiaqatigiinnut qulakkeerisuupput. Taamaattorli aatsaat isumaginninnikkut ikiorsiissutinik pissarsisoqarsinnaavoq malittarisassani piumasarineqartut malillugit ikiorserneqarsinnaagaanni.

Isumaginninnikkut ikiorsiissutit, innuttaasut pilersorneqarnissaannik qulakkeerisut, tassaapput ilaatigut pisortanit ikiorsiissutit, utoqqalinersiutit aamma siusinaarluni sulisinnaajunnaarnersiutit; isumaginninnikkut ikiorsiissutinik pissarsisartut taakku tassaagajunnerupput ilaqutariit pissakinnerusut, ikiorsiissutinik taakkuninnga pisarnermikkut inuuniarnermikkut arlaatigut qulakkeeriniffiusimasut.

Erseqqissaatigineqassaaq, inuiaqataasut ilaqarsinnaammata, SIK malillugu akissarsiarineqarsinnaasut minnerpaartaannik akissarsisartunik imaluunniit piffissap ilaanaa sulisartunik, kiisalu namminersortunik annikitsuararsuarnik isertitaqartartunik, innuttaasullu taakku – naak anikitsuinnarnik isertitaqartaraluarlutik – pisortat ikiorsiissutaannik pisinnaanavianningsunik, malittarisassani piumasarineqartut malillugit pissarsisinnaannginnamik. Inuiaqataasut taakku meeqqat atuarfianni klassini annerni atuartunut tapiissutit atorunnaarsinneqarpata pisortanit ikiorsiissutit aqutugalugit taarsiullugu tapiiffigineqarsinnaanngillat.

Inussiarnersumik inuulluaqqusillunga

Kirsten Olesen

Toqq./direkte 346657

kiol@gh.gl